

Սրա տակը .

- 1. Ես Շիրիկ ծառա անյ միարան եղէ սրբոցս
- 2. Եւ ետու ՚ի ՚դհ : Եւ գրեցին ՚Ա : ժամ ինձ ի տարին :

Սրանցից գէպի արևելք, պատի շարունակութեան վերայ .

- 1. Կաման անյ ես Յակոբ սարկ . . . (Դատք)
- 2. Կ տուի արդիւնս ի սք կաթող . . . (Դատք)
- 3. սալեցին եւ միարանքս սահ . . . [մա- նեց]
- 4. ին ինձ : Ա : աւր ժամ ու խափանէ մեր մ
- 5. եղացն տէր է :

Որպէս շարունակութիւն հինգերորդ տողի՝

- 5. Ես Անգրէաս ետու Կ
- 6. աղիւնս իմ ի սք ուխտս եւ ետուն ինձ ՚ի ՚ժամ :

Պատի շարունակութեան վերայ կան դարձեալ արձանագրութեան մնացորդներ, որոնցից ամբողջութիւն չի դուրս գալիս :

Արդ, ո՞ր ժամանակին են պատկանում այս արձանագրութիւնները : Սոցանից մէկը միայն ունի թուականի մնացորդ, Յովհաննէս Անեցու արձանագրութիւնը . թուականի հարիւրաւորը պակաս է, բայց հնագրական նշաններից գատելով, արձանագրութիւնը կարող է ժԳ . դարու կամ ժԴ . դարի առաջին կիսի գործ լինել, ուրեմն և պակաս տառը Զ կամ է կարող է լինել, իսկ ամբողջ թիւը ԶԾԾԶ կամ էճԾԶ : Հաւանական ենք համարում երկրորդը :

Մի ուրիշ արձանագրութիւն սրանից գէպի արևմուտք Ներսէս եպիսկոպոս Չարաբերդցու արձանագրութիւնն էր, որի ժամանակը նոյնպէս մօտաւորապէս որոշել կարելի է : Չարաբերդի յիշատակութիւնն արդէն մասնանշում է, թէ ո՞վ պիտի լինի Ներսէս եպիսկոպոսի մօրեղբայրը : Չարաբերդը գտնուում է Թարթառ գետի ափին՝ նորա Թրդի վտակի խառնարանում գէպի Երից մանկանց վանքը տանող ճանապարհին, Դոփեանց իշխանութեան մէջ : ԺԳ . դարի վերջերին և ժԴ . ի առաջին քառորդին էլ ապրում էր Սարգիս եպիսկոպոս Դոփեան, որդի Գրիգոր Դոփեանի, որ Տարսայիճ Օրբէլեանի և Մինայթունի դստեր ամուսինն էր : Սարգիսը իբրև եպիսկոպոս յիշատակուում է 1311, 1312 թուերին և վախճանուած է 1233 թուին<sup>(1)</sup> . նա վարդապետ էր ժԳ . դարու եօթանասնական թրուականների սկզբին, երբ Հաղբատի եպիսկոպոս Յովհաննէս (երրորդը նոյն դարում, նոյն վանքի նոյնանուն եպիսկոպոսներից) «թոռն Դոփին» կանգնում էր իւր Ամենափրկիչ կոչուած նշանաւոր խաչարձանը, իսկ քիչ աւելի վաղ նոյն Հաղբատում «ի վարժս կրթութե րանի պարապեալ» : Նա Յովհաննէս եպիսկոպոսի ձեռնասունն էր և երրորդըին, իսկապէս եղբոր թոռը, որովհետև Յովհաննէս եպիսկոպոսը Սարգիս հօր՝ Գրիգոր Դոփեանի հօրեղբայրն էր, Հասան Դոփեանի կրտսեր եղբայրը<sup>(2)</sup> : Այսպիսով Ներսէս Չարաբերդցու արձանագրութեան թուականը նշանակել կարող ենք 1233 թուից յետոյ՝ մինչև և դարի կէսերը : Յովհաննէս Անեցու և Ներսէս եպիսկոպոսի արձանագրութիւններով էլ պէտք է պարզուած համարել այդ ամբողջ խմբի ծագման ժամանակը :

2.

Ձեռագրական յիշատակարանների և արձանագրութիւնների այսչափ մեծ թիւը, որոնց մի մասն էլ մեր ձեռքը չեն հասել, աշակերտների և վարդապետների անունների յաճախութիւնը ապացոյց է, թէ վանքը իւր սրբութեամբ, նաև իբրև հոգեւոր կեդրոն, մեծ հռչակ էր վայելում և զիրք ունէր ժԲ . դարի վերջերից մինչև ժԴ . ի կէսերը, որ և հաստատում է Մանուէլ Բըշնեցին հետեւեալ խօսքերով .

«Յնձա, հրաշարան, ո՞վ համալսարան, ուխտ հռչակ անուն Սքըդ մենաստան Հայու Թառ անւան, Թառ Թարթմանութե» :

Այնուհետև մօտ յիսուն տարի տեղեկութիւն չունինք վիմական և ձեռագրա-

(1) Բարխուդարեան . Արցախ . 205 . 206 . 290 :  
(2) Մանրամասնութիւններ կ'տեսնենք ժԳ . զրլ- խում . Ձեռ . էջմ . N 2604 : Բարխ . Արց . 408 :